



# ЎЗБЕКИСТОН ОВОЗИ

## Ўзбекистон Республикаси Президентининг ФАРМОНИ

### ФУТБОЛ БЎЙИЧА ЎЗБЕКИСТОН НОГИРОНЛАР ТЕРМА ЖАМОАСИ АЪЗОЛАРИНИНГ БИР ГУРУҲИНИ МУКОФОТЛАШ ТЎҒРИСИДА

Футбол бўйича ногирон-ампутантлар ўртасида Россия Федерациясида ўтказилган 2012 йилги жаҳон чемпионатида голибликни қўлга киритиб, халқаро му-

собақаларда юртимиз шаънини муносиб химоя қилишда жасорат ва матонат намунасини кўрсатгани учун куйидагилар мукофотлансин:

«Дўстлик» ордени билан

Умархаджаев Мавзурходжа — Футбол бўйича Ўзбекистон ногиронлар терма жамоаси мураббийи

«Жасорат» медали билан

Турсунов Нуритдин Джураевич — Футбол бўйича Ўзбекистон ногиронлар терма жамоаси аъзоси

Хасанов Хақимжон Нархужаевич — Футбол бўйича Ўзбекистон ногиронлар терма жамоаси аъзоси

Ўзбекистон Республикаси  
Президенти

И.КАРИМОВ

Тошкент шаҳри,  
2012 йил 17 октябрь

## ЎЗБЕКИСТОН ПАХТАЧИЛИГИ ВА ТЎҚИМАЧИЛИК САНОАТИНИНГ ЯНГИ ИСТИҚБОЛЛАРИ

Тошкентда 17 октябрь куни Президентимиз Ислоҳ Каримов ташаббуси билан ташкил этилган VIII Халқаро Ўзбекистон пахта ва тўқимачилик ярмаркаси бошланди

Ўзбекистон дунёда пахта етиштириш бўйича олтинчи, уни экспорт қилиш бўйича учинчи ўринда туради. Мамлакатимиз жаҳон тўқимачилик бозорининг энг фаол иштирокчиларидан бири ҳисобланади. «Ўзэкспомарказ»да очилган VIII Халқаро Ўзбекистон пахта ва тўқимачилик ярмаркаси ушбу соҳада мамлакатимиз билан савдо, ишлаб чиқариш ва инвестицион ҳамкорликни ривожлантиришга қизиқиш ортиб бораётганини яна бир бор намоён этмоқда. Турли мамлакатларнинг пахта ва тўқимачилик саноати вакиллари, трейдерлар бу ерда нафақат ушбу тармоқларни ривожлантириш тенденциялари, уларнинг маҳсулотларига бўлган талаб ва таклифнинг ўзгариб туриши, дунё бозоридаги нарх конъюктурасини муҳокама қилиш, балки ўзбек пахта толасини ҳамда ундан тайёрланган тўқимачилик маҳсулотларини етказиб бериш бўйича бевосита шартномалар тузиш имкониятига эга бўлмоқдалар.

VIII Халқаро Ўзбекистон пахта ва тўқимачилик ярмаркасининг очилиш маросимида Президентимиз Ислоҳ Каримов ташаббуси билан мамлакатимизда амалга оширилаётган ва бутун дунёда «ўзбек модели» деб эътироф этилган тараққиётнинг узвий қисми ҳисобланган кенг қўламли



Сарвар УРМОНОВ (ўса) олган сурат.

иқтисодий ислохотлар салмоқли натижалар бераётгани таъкидланди. Давлатимиз раҳбари томонидан юритилаётган пухта ўйланган иқтисодий сисъатнинг изчил амалга оширилиши туфайли мамлакатимиз иқтисодиётининг рақобатбардошлиги, жумладан, миллий пахта ва тўқимачилик комплекси самарадорлигини ошириш, пахта толасидан юқори

қўшимча қийматга эга сифатли маҳсулотлар ишлаб чиқаришни кенгайтириш ҳамда экспорт тармоқидан унинг улushiни кўпайтириш ҳисобидан йилдан-йилга ортиб бормоқда. Ўзбекистон бугун иқтисодиёти жадал ривожланиб бораётган давлатлардан. Дунёда глобал молиявий-иқтисодий инқироз ҳамон давом этаётган бир пайт-

да мамлакатимиз ялпи ички маҳсулотининг ўсиш суръатлари йилга ўртача 8,2 фоизни ташкил этаётгани ҳам миллий иқтисодиётимизнинг барқарорлиги ҳамда улкан салоҳиятга эга эканидан ёрқин далолат беради. Статистик маълумотлар ушбу ижобий тенденция жорий йилда ҳам сақланиб қолишини кўрсатмоқда. (Давоми 2-бетда.)

## ДОҲАДАГИ МУҲИМ ҒАЛАБА

Спорт

2014 йили БРАЗИЛИЯДА БЎЛАДИГАН ЖАҲОН ЧЕМПИОНАТИГА ЙЎЛЛАНМА ОЛИШ УЧУН КУРАШАЁТГАН ОСИЁ МИНТАҚАСИ ТЎРТИНЧИ БОСҚИЧ «А» ГУРУҲИНИНГ НАВБАТДАГИ БАҲСИДА ЎЗБЕКИСТОН МИЛЛИЙ ТЕРМА ЖАМОАСИ САФАРДА ҚАТАР ФУТБОЛЧИЛАРИНИ МАҒЛУБИЯТГА УЧРАТДИ.



FIFA WORLD CUP  
Brasil

Ушбу учрашувда ҳар икки жамоани ҳам фақат ғалаба қониқтирарди. Бунгача ўтказилган уч тур натижасига кўра, мезбонлар — Қатар футболчилари тўрт очко жамғарган бўлса, ҳамюртларимиз ҳисобида атиги икки очко бор эди. Агар Ўзбекистон терма жамоаси бу гал муваффақият қозонса, финал bosқичига йўлланма-

ни қўлга киритиш имкониятини анча яхшилаб оларди. Аммо рақибларимиз бунга имкон бермаслик учун турли усуллардан фойдаланишга ҳаракат қилди. Жумладан, ўйин дастлаб соат 19.00 да бошланиши белгиланганига қарамай, буни ўзгартиришнинг уддасидан чиқишди. Мезбонлар талаби билан Қатар — Ўзбекис-

тон терма жамоалари учрашуви куннинг айна жазирамасида, яъни маҳаллий вақт билан соат 15.30 да бошланадиган бўлди. Бундан кўзланган бош мақсад — футболчиларимизнинг тезкор ва ҳужумкор ўйин намойиш этишларининг олдини олиш эди.

(Давоми 4-бетда.)



## Фракция фаолияти



## ЯНГИ ҚОНУН ЛОЙИҲАЛАРИ МУҲОКАМАДА

ОЛИЙ МАЖЛИС ҚОНУНЧИЛИК ПАЛАТАСИДА ЎЗБЕКИСТОН ХДП ФРАКЦИЯСИНИНГ НАВБАТДАГИ ЙИГИЛИШИ БЎЛИБ ЎТДИ. Унда кун тартибига киритилган ҚОНУН ЛОЙИҲАЛАРИ ҚИЗГИН МУҲОКАМА ЭТИЛДИ. ЙИГИЛИШДА ФРАКЦИЯ АЪЗОЛАРИ, ТЕГИШЛИ ВАЗИРЛИК ВА ЖАМОАТ ТАШКИЛОТЛАРИ ВАКИЛЛАРИ ИШТИРОК ЭТДИ.

2-бет

— ҚАРАНГ, ЯНА БИР ИҚТИДОРЛИ ТЕНГДОШИМИЗ ҲАҚИДА ЯХШИ МАҚОЛА ЧИҚИБДИ.  
— БУ ГАЛ КИМ ҲАҚИДА ЭКАН?  
— РИШОД СОБИРОВ ҲАҚИДА!  
— БУ ГАЗЕТАДАН АЛБАТТА УКАМГА ҲАМ ОЛИБ БОРИШИМ КЕРАК ЭКАН...

Келгуси йилда ҳам газетамизда иқтидорли ёшларимиз ҳақида мунтазам равишда мақолалар бериб борилади.

## ОБУНА — 2013



НАШР КЎРСАТКИЧИ — 220

## Кушхабар

### «МЕНИНГ САМАРҚАНДИМ» САЙТИГА АСОС СОЛИНМОҚДА

ИНТЕРНЕТ ОРҚАЛИ САМАРҚАНД ШАҲРИНИ ДУНЁГА ЯНАДА КЕНГРОҚ ТАНИШТИРИШ МАҚСАДИДА «САМАРҚАНД — СТВ» ТЕЛЕВИЗИОН ИЖОДИЙ УЮШМАСИ ВА «ДАРАКЧИ» ГАЗЕТАСИ ҲАМКОРЛИГИДА «МЕНИНГ САМАРҚАНДИМ» САЙТИ ЯРАТИЛМОҚДА.

⇒ 4







